

# ANA ITERANIBA KIRIBATI

RONGORONGO MAN TE BERETITENTII N TE AONO

## Rawea te Kantaninga

Iroun Unimwaane F. Michael Watson

**E** Kateaki irouwia ana burabeti te Atua, te kantaninga ao te ungganano irouwia aomata ni kawaekoa n tainako n uotia aomata nakon Kristo, kamaiuaia aika kua ao aika a bua ao ni katauraoa te iraorao ae bwanin are e uotia te euangkerio. Ngkai ti moana te ririki ae E Boou, te kantaninga naba anne e ribu bwa tibwangaia membwa n tatabemaniia nako bwa a na karekei, ootaia, ao ni maiuakinna.

Koroboki aika a tabu a kaonaki ma tuua, berita, wewete ao kanuanga ibukin te reirei n te euangkerio. Te taeka ae kairoro e kabonganaaki ma te kantaninga ae koaua ao e katauraoi kawai man are ngaira, n tatabemaniira ao n ikotaki, ti aki kona ni birinako mai iai.

**N**gke e kairiia ana Abotoro Iesu ake Tengaun ma Uoman nako taubukin te Maunga are Oriweta, E kabwarabwara te kantaninga are e katauraoia ibukiia:

“Ma ngai a kam na nako ni kakiritiania botanaomata ni kabaneia, ni babetitoia nako nanon aran te Tama ma te nati ma te Tamnei are Raoiroi; n reireini'a ba a na kabane baike I tuangngkami n tau: ao noria, I a memena naba iroumi ni bong ni kabane ni karokoa tokin aonaba” (Matao 28:19–20).

**N** na taekinna ma te karaurau bwa te Uea e rinei Ana taeka ni koroboki aika a tabu aika imwiina ngke e kabawarankoi Ana kantaninga n ikotakiia reeti nako, aba nako, ao nengenengen nako te aonaaba, te aonaaba ni kabuta, neewe, aomata nako, ao tamnei ni kabane (Taraa Moses 6:36).

**N** te Bong aei, E kainnanoira bwa ti na beku



**Unimwaane  
F. Michael  
Watson**

ma nanora ae tauraoi n uotia aomata Nakoina. Ti riai n rawea te kantaninga n oota raoi ao ni katauraoi ni kaabwabwaki ara rangata n nako-nako ao ni kangai ngaira aika Ana toro: “Aio Ngai kanakaoi” (Abraham 3:27).

**E** taekinaki n te kaotioti ae kakaawaki: “Bwa, e koaua, te bwana e na waaki nako man te tabo aei ni kabuta te aonaaba, ao nengenengen nako te aonaaba-te euangkerio e riai n tataekinaki nakoia ni kabane aomata” (taraa D&C 58:64).

**B**on Beretitenti John Taylor are e kangai (1808–87):

“Te Atua e na anganiira te bukinaki irouwia aomata ake ti na kona ni kamaiua, ti a tia ni karoao ara beku.”

**N**taetaena n ana maungatabu te Ekaretia n Okitobwa 1966, Beretitenti David O. McKay (1873–1970) e taekinna bwa n aia kukune taan rabakau n ririki aikai e na kona ni karekea tatakinan te euangkerio nakoia reeti, neewe ao

aomata nako.

**B**eretitenti Spencer W. Kimball (1895–1985) e karababaa riki iaon kukune ao ni kaotia bwa te Tama are i Karawa e a tia ngkai ni katauraoira ma te konabwai ni karekei anga n reitaki ma ara konaa are e riaon are ko kona n iangoia. Rikirake aikai a na ibuobuoki ni kakoroi bukin ana taeka te Uea are “te bwana e na waaki nako man te tabo aei ni kabuta te aonaaba” (taraa D&C 58:64).

**E**ngae ngke iai aomata aika mirion ni kabuta te aonaaba ake aki kona ni wareware ke ni koroboki, iai te kawai are e na rootia rinanon te kanakobwana n rabakau aika boou.

**T**abeman ni boong aikai a tia n taekinna bwa rokon te rabakau ae boou n te ririki ae nako, ao are e na karoaoaki, bon te kamimii ae karako are e na koreaki irouwia taan koro rongorongan ngkoia te bwai ae korakora riki nakon te kukune n te bwai ni boreti (Beretitenti Spencer W. Kimball).

**A**omata ni kabuta te aonaaba a ingainga ao a korakora nanoia ni kan ataia, ngkana a bon tii kona n ongo te bwanaa n oin aia taetae n te aro are a kona ni karekea ao n oota iai.

“Bwa a mwaiti iaon te aonaaba ibuakoia ni kabane kurubu n aro, bwaatei, ao botaki nako . . . ake a raroanako man te koaua ibukina bwa aki ataia bwa a na kunea ia—” (D&C 123:12).

**A** mwaiti membwa n te Ekaretia ake a tia ni kaman reke irouia te kantanninga ao a kona ni kakoaua ni koauan bwaai ake a tauraoi, ikai n te tai aei, ni kabane a na kaonaki n aron te kariki ni katoabong inanon maiura.

“**E** na kakabwaiaaki n aki toki Arana ae mimitorng; a korakora ao a kamimii Ana kawai. Kariaia reeti nako bwa a na kakauongo nakoia Ana toro, bwa a na katauraoi kawai ibukin Rokona; eng, bwa E na roko n te mwaaka ao te mimitorng ae korakora, ni katoka i Aona ueana, katauraoi ao tauraoi n ana tai n roko te Uea; bwa aio ana mwakuri te Uea; te nanokawaki nakon are e tuuka aroran baina, ana mwakuri, korakorana ke mwaa-kana ni kaitara” (Brigham Young, *Millennial Star*, vol. 15, 106–107).

“Bwanaara a riai n ongoraeaki ni kitarai mwanoно aika a kakamaaku ake a kateaki bwa a na urua aia onimaki aomata nako. Te Uea e kaekai raoi ara tataro rinanon te mwakuri are ti anganipa tabeman. Riiki bwa ana banna ni katooto Kristo n te mwakuri n ibuobuoki ao buokia tabeman bwa a na okiri aia onimaki ni Kiritian man kaungaakiia n otinako ao ni buokia raoia n aomata” (Unimwaane L. Tom Perry).

Ara burabeti n taai aikai Beretitenti Thomas S. Monson e taekin ana taeka te Moan Beretitentii n 1839:

“Iaon ami botumwaaka, ami nanomatoa ao ami kakaonimaki, tangin reirei are kam tataekin, reirei ake kam waaki iaoia ao kam maiuakin . . . a katine iaana am utu ma te botanaomata ae tokin kawaia” (Beretitenti Monson, Eberi 2008 Maungatabu ni Kabuta).

Beretitenti Monson e a manga kamatoa riki bwa te Moan Beretitentii n te bong aei e tuai ni katiteuanaaki riki ma te kabaeaki ae ai aron aei imarenara n tatabemaniira ni katauraoi ibukin te tai aei ao taai aika a na roko.

Ngkai membwa n ana Ekaretia Iesu Kristo Ibukiia Aika a Itiaki ni Boong Aika Kaitira ti kona ni karekea te kantanninga aei ni waaki rake, n iangoi tibwangara ao ni kawakin tibwara aika tamaroa n taai aika nako ao ni kaoni ara iango irovia naake ti beku ibukiia n ana taeka te Burabeti Iotebwa Timiti:

### Te Kainibaire n te Koaua

“Ana Kainibaire te Koaua e a tia ni kaotinakoaki. Akea te bai ae tabu ae e kona ni katoka te mwakuri man rikirakena. Te bwainikirinaki e kona ni kabuehue, taan iowawa a kona n ikotaki, taanga ni buaka a kona n ikotaki, nano ni kabuakaka a kona n uruana aron temanna ma temanna, ma ana koaua te Atua e na waaki nako n aki mamaaku, ma te tamaroa, ao te inaomata, ni karokoa e ninii aba nako, taabo ake a mwaitoro ke a kabuehue, ni kabutai aba nako, n tang inanon taninga, ni karokoa e katiaaki ana kantanninga te Atua, ao Iehova ae Korakora e na kangai e a tia te mwakuri” (Joseph Smith, *History of the Church*, 4:540). ■

### ANA ITERANIBA TE TABO

## Reirei man Banna ni Katooto

### Iroun Ruby Talataina

**E**a namwakaina imwiin au angabeebwa man te BYU-Hawaii n au beebea ae te tikurii n te biochemistry (baeokemititorii) ao I tangiria ni karaoa ae mwaiti riki ni maiu. E tang te tareboon te kanimaua n tai n te bong anne, ngke tinau ao

Ngai ti tekateka ni maroro n te taibora. Tariu ma mwaneu a wewetea tinau bwa a na maroro ma ngaia ibukin tabeua aia kanganga ake a kaitarai. Ngai naba, I a tia n iangoia taekan iangoan nakoa ake a tuai koro bukiia, ao n tangira tinau bwa e na kabebetea marakiu. Tinau bon au “kauntira” n te bong anne.

Ngke I tekateka ikekei ni matakauakina tinau ni kaeka te tareboon mai iroun tariu i tinaniku; I kina te banna teuana. E na kaeka te tareboon, tekateka ao n ongora, anga reirei, imwiina e katuka te tareboon ao e nako nanon ana ruu ao e kaina te mataroa. Imwiina e oki rikaaki nakon te taibora ao e reita ongoraana irou. Aio e riki ni katoatai are e tareboon iai tariu ke mwaaneu. N tokina, imwiin matakaukinana ma te kan ataibwai, I tataninga tabeua te miniti imwiin ae e kaina mataroan ana ruu imwain ae I waerikriki nakon ana ruu. I karaurau ni kauka te mataroa ao ni kaninganininganano ana ruu.

Aoranke matau n ranimatau ngke I noora tinau irarikn ana kainiwene iaon bubuan waena n tataro. I karaurau n oki nakon te taibora ao n tekateka ikekei n tataningaia. “Tao ngaia anne te bwai ae karaba”, I karaurau n iango irou. E kai-riiri ao e reirei, imwiina e katikui nikirana inanon bain te Uea.

E a tia n reireinai bwa nna katuka au onimaki iroun Tamara are i Karawa, ao n ataia bwa E kakauongo, ao e atai kainnanou ao te bwai are e tangiria nanou. I kantaningaia bwa n te tai teuana ngkana I a riki ngai bwa te tina, I kona n ira ana banna ni katooto tinau, n reireiniia natiu man ana reirei te euangkerio ae maiu ao n aki reirei tii man taeka ake I taekin mai wiiu. Au onimaki iroun te Tama are i Karawa e a tia n rikirake, ao n aron raroau nako man mweengau I a ira ngkai te banna are e a tia ni kateia i matau tinau. Au bitiobi are mai mwaaina e tuangai n te taina bwa “ngkana ti tataro ibukin te korakora te Atua e aki anganiira te mwatireti, e anganiira riki kakawenako.” Ngkana a roko kakaewenako aikai,



TAMINEI N ANGANANO MAN ANA RAIBURARI NI KAREKE RONGORONGO TE EKARETIA

**Tama are i  
Karawa e  
ataira, ao e ata  
te bwai are ti  
rinanona.**

I katorobubua i bubuan waeu ni bunnra nanou nakon te Uea, n ataia bwa e ongo irou, ao E atai bwaai ake I rinanona. I namakinna bwa ara Karo ake i Karawa bon aekaia naba au karo iaon te aba. Ngkana ngai ma tariu ao mwaaneu ti bubutia ara karo aia ibuobuoki n te bwai teuana are e na maan karekeana, au karo a kakoaua n tainako bwa e butimwaeaki te bubuti anne, ngkana te bubuti iai bukina ae riai ao e boongana. A kona n aki waekoa ni butimwaea te bubuti anne, ma I ataia bwa e ngae ngke I kona n nooria bwa e aki butimwaeaki ngkai, a bon ataa ao a mwa-kuri ni karokoia iai. I namakinna bwa Tamau are i Karawa ai aekakina. Ti nakoina ibukin te ibuobuoki, ao e ngae ngke e kona n aki noori ara tataro bwa a kaekaaki ngkai, iai au onimaki bwa E ataia ao e ata arou, ao e waaki ni mwakuri ibukin buokau, ngkana te kantaninga e tamara. I ataia bwa E na kaekai au tataro n te tai ae riai. I kakaitau ibukiia au karo ake aki tii reireinai te

euangkerio, ma a maiukina te euangkerio; ao ibukina bwa I ikawairake n nooria ni katorobubua n te aoa aua ni katoa ingabong ao ni katoa tairiki, I karaoa naba ae arona anne ao e a tia ni buokai ni karekea te koaua ae tamaroa riki iaon te tataro ao te onimaki. ■

## Uringnga bwa Antai Ngaira

Iroun Catherine Vaughan

a tibwa matakū n te taoku-mentari iaon te terewition nte maroro ae atunaki n ikoakin te kaburoro. Te tia kaongora ae kinaki Richard Hammond man te kaongora ae "Top Gear" e maroroakina ikoakin te kaburoro are e karekea man te kabuanibwai ae kakamaaku are e mena inanona tabeua te ririki n nako. E kurati ni butina ae 288 te maire n te aoa, ngke e ukeraki ni kabutan te tiete ae buti n te burobera, ao ikoakina e kona ni kabua maiuna. Inanon waakin te burokuraem, e kabotaua aron okin marurungina ma te turaiwa n te kaa ni kauaia ae kinaki ae Stirling Moss, are e toki ana mwakuri n 1962, ngke ngaia naba e kurati n ana tai ni kabubuti, ao e tiku ikoakin atuna ni kakaiaki, ao e matu n aki namakinaaba inanon tabeua te wiiki.

Ngke e a mao ikoakin aia kaburoro are e reke irouia, a rootaki n te raraoma ao te kanganga ae batī, ngkai kawain kaburoroia are mai mwaina e

a buraoiki man te ikoaki, ao rongorongo ake inanon kaburoroia a uamae.

Stirling Moss e kauringnga imwiin ana kabuanibwai, ike e karina ni kona ni bwaati n tae-tae n Buranti, e ngae ngke e tuai man kona ni karaoia imwain reken te ikoaki i atuna. A mwaiti keiti ake a koreaki rongorongoia irouia taan ikoaki n kabuanibwai, ake a tiku bwa ikoakin aia kaburoro, ao ngke a karina ni marurung a ti karekea naba te konabwai ni bwaati ni katangii bwaai ni katangitang ake a tuai man katangi mai mwaina, ke tao n riki ni mwaatai rabwakauia, ngke bon akea aia tarena mai mwaina. Taan rabakau n te kaburoro a kabwarabwara bwa ngkana te kawai are e tataneiai n touaki ni butin te rongorongo inanon te kaburoro ngkana e buraoiki, te kaburoro e kona ni kabomwi ni manga kabonganai kawai tabeua n iterana aika a kakaokoro.

Ni kauoman taan tauraiwa n te taokumentarii a

kabwarabwaraa bwa e ngae ngke a karekea te tararua ae moan te kakaawaki, ao te ibu-obuoki mai irouia aia utu ao raraopia n tain waakin kamarurungaia are a namakina te bua iai, ao te mino n nano. Ao a bon namakina n tabetai te maroaa.

Te taokumentarii e karekea te rau irou, ibukina ngkai Ia tia naba ni marurung man ikoakin te kaburoro, tiku inanon te kaa ae kabuanibwai n ririki aika a nako, ngke 17 au ririki. Riin atuu e uruaki, ao I matuu n aki namakinaaba, iaan te tararua ae korakora n te onaoraki. N te tai are e reke iai marurungiu, I a rootaki n te mwamwaninga ni buan te ururing inanon tabeua te namwakaina. I ataa arau, kinaia au utu, ao I uringii wiki, namwakaina ao ririki imwain te kabuanibwai. Ma e aki teimaan bwa e reke te ururing ae uarereke taina, ao iai uringakin irou maiun te ikakoora. Imwiin tao tebwiina te teekan, bwaai ni kabane ai bon rongorongo aika a boou nakoiu teuana riki te tai. Te maroro ma ngai e bon kaebu, Man te tai are I roko iai n tokin te tiententi, I mwaninga te bwai are ti maro-rooakinna, ao I manga taekina te bwai ae e bon rangi ni kao-koro. Iaon tabeua te maranga n te miniti, I a manga taekin tabeua bwaai aika 3 ke 4 aika bon akea rekerekeia, n aki ataia bwa I mwaninga te bwai are e taekinaki.

Ngke e reitinako te mwakuri ni kamarurung, N na bon uotii koroboki irou n te tai are I kitiata iai te auti, bwa I aonga n ataia bwa N na nakea, ao tera bukina. Au utu a na bon rin inanon au ruu ni weteai ibukin te katairiki, ma tabeua te miniti imwiin are a nako, I mwaninga bwa a tia n roko ikekei.

I aki uringa mwaitin are I rinanona inanon maiu, akanne bon rongorongo ake a na karaoi au utu. Te bwai are I uringnga man te tai anne, bon aki ki-naaki bwa antai ngai-n aroun aomata. I ata arau, ma I aki ataia bwa antai ngai. I aki ataia ngkana ngai te aomata ae reberrake, ke ngkana I mamaamaa. I aki uringnga bwa tera bwaai ake I tatangirii. I aki ataia bwa tera baika I kokoauai.

N te tai anne ao bon tiaki ngai te membwa n te Ekaretia, ao I roko man te utu ae aki taua te aro. Ngkai I kataia n uringnga bwa antai ngai, ao n rinanon te ninibwaun ao te kanganga n okiran raoi marurungiu ae bwanin, I namakinna bwa I bon bua, ao ni maroaa. E riaon 18 namwakaina kaokakin raoi au ururing ae bwanin, ma te namakin ni bua e bon tiku. I ukeukerii kanikinaa ake a na buokai ni kunea bwa antai ngai, ni kataia n rinanon te bwai are e riki nakoioi, ao kawain kuneakiu i bon irou, n tokina e kairai nakon kuneakin te euangkerio, ao ni bwabetitoaki.

Ngkai membwa ngaira n te Ekaretia ti ataia bwa antai ngaira. Bon kaaro, kainnaba, mwaane ao aine. Ngaira bon taan tia mwane, manatia, ataein te reirei, ao neeti. Ngaira bon taan reirei n te Reirei n Tabati, ao taan anene n te buraimwarii, ao bitiobi, ao taan kairiiri irouia te rororrikirake.

Ma man te tai teuana nakon te tai teuana ti na bon rangi n tabetabe ni kakoroi bukin tokin taai, katiaan tibwanga, ao kataakin te tokanikai iaon bwaai ni kabane, ao ti namakina te rawawata, bua, aki tau, ao te maroaa. Ao n tabetai ti mwaninga bwa antai raoi ngaira. Ti karekea te mwamwaninga n te maiu n tamnei. Ti mwaninga bwa ngaira natin te Atua. Ti mwaninga n ara konabwai are iai inanora.

Ngkana te kaburoro ae ikoaki e mena inanon kamarurungana, e kona ni kaotii bwaai aika kamimii n te konabwai ao tarena ake iai inanora, iangoia bwa tera are ko kona ni karaoia ma te atatai ae bwanin ao n ataakin ae ngaira naati mwaane ao aine iroun te Atua ae maiu, ao n ataia bwa ti konabwai ni bwaai riki aika a mwaiti. Riki ngkana ti wetea Tamara bwa e na buokiira.

Unimwaane David A. Bednar e taku "Te Uea e ataira bwa antai raoi ngaira, tera ae ti iangoia, tera ae ti kakaraoia, ao tera nakoora are e na reke n taai aika a na roko." (CES Fireside for Young

Adults. Meei 3, 2009. Bringham Young University-Idaho)

E ngae ngke te rabuna ni mwamwaninga e kamabubui ara uruuring ni mweengara are i karawa are ti roko mai iai, ao inanoaan baia ara karo ake i Karawa. Iai te atatai ioura bwa antai ngaira, antai ngaira n taai-nako, ao tera arora are ti na karekea.

Unimwaane Marvin J. Ashton e kauarerekea n taekinna, Ngkai natin te Atua, ngaira bon Tabeman aika kakaawaki. E na katei rabwatara, katamaroaira, ao ni karikirakeira, ngkana ti kamatoadira ni katei atuura, taakin baira, ao n nakonako ma Ngaia. Ai kamiira te kakabwaia ngkai ti riki n ai aron katotongana, ao n atai raoi ara konabwai, inanova ao Mairouna! Ai kamiira te kakabwaia n ataia bwa ni Korakorana, ti kona ni karaoi bwaai ni kabane. ■

## Te Wanawana Rinanon te Reirei


### Iroun Siosiua Latu

Ikawairake n te atimwakoro ae Nomuka i Ha'apai. Tamau e bua i taari ngkai ai tibwa onoua au namwakaina, ngaia are I maeka ma tinau, ao bon te bina ngai irouia waniman ataei. Ti maiu iaon kabonakoan baan te kaina, ao akawan tinau ao ngaira ti bon kabi. Ngke e a aoraki tinau ti mwaing nako Tongatapu, ao naati ake a tuai n iein a tararuaki iroun mwaneu are te ikawai ma buuna. A reireinai taekan bwaai ni kabane aika

raoiroi, ao a katauraoai bwa nna riki bwa te karo ae tau ao te bumwaane n te bong teuana.

I angabeebwa man te Riaona n te Reirei ae Rietata n 1996, ao I kaitanna n 1997 ni karaoa au mwakuri ni mitinare ae uoua te ririki, n te Nuku'alofa Tonga Mition. Imwiin au mition, I moana mwakuriu ibukin te Bootaki ni Mwakuri

*Ten Siosiua Latu, ma buna ao natia, Bridget.*



n Enuwaromenta bwa te tia ibuobuoki n te aobiti. I karekea boou ae uarereke ni katoa uoua te wiiki, ma I namakinna bwa ngkai te kairake ae tuai n iein, a reke bwaai ake I kainnanai.

Ngke ngai ma kainnabau ae Adi 'Asinate Iketau ti kabaeaki n te Tembora i Tonga inanon Eberi 2004, I a tibwa tabe n iangoa kainnanoan kabuburan au reirei, ngkai I ataia bwa tibwangau bon katauraoan bwaai, ao kainnanon te utu ni kaku-kurei. Ti baire ibukiu bwa nna ira te Intiuite n te Reirei ae Rietata. I kanoai booma, ao I butimwaeaki, ao I a tauraoi ni waakina au reirei ni banen wikiin Beberuare 2005. N akean au kantaninga, I wete-aki bwa te bitiobi bon tabeua te wiki imwain ae I kona ni waakina au kamatebwai. I titiraki ngkana I kona n reitanako au reirei, ngkai I ataia e na bon korakora au anganano ni mwakuri n te tai ae bwanin, kamatebwai n iteran te tai, ao n tauraoi bwa te kainnaba ao te karo, ao ni beku ni kakoroi bukin tibwangau ae te bitiobi. I a tauraoi ni kaitarai kakaewenako, ao n reitinako ni kakokoroi bukin miiu. A mwaiti taai are I otinako man te kiraati, oneai n te kabaraaki mainaina, ao ni kawaekoa na-kon te boowi n ara bitiobiriki.

E bon aki beebeete, ma imwiin uoua te ririki, I kakoroi bukin au kooti. Boou e rikirake ni kaniia teniuia te tai ni mwaitin are I karerekea mai mwaina.

Te rakaniboo ae boou e kaungaai ni karekea are I kona

ni mwaitin au reirei. I a waaki ni kamatebwai n te Uniwetiri n te Betebekae Maeao. Tonga Kaembati n 2008 ao ni bane inanon Beberuare 2012. E bon aki beebeete te oki rikaaki nakon te umwanreirei ma kainnabau ao natiu ake n na boutokaia. Ti karaoa te angakarea ae moan te korakora bwa ti aonga n tokanikai.

**Siosiua Latuka tauraoi ni kaea te angabeebwa.**



I rang kakaitau ibukin ana burokuraem Bootaki n Reirei te Ekaretia are e buokai n tokanikai ni karekean au reirei ae tamaraoa. I waaki ni kamatebwai iaon BJ Tikaoratibu. Blair Johnson e karaoa te anganano ao e karia te mwane ni buoka ni buokiia aomata n te Betebekae bwa a aonga ni karekea te reirei, ao ni kakorakora te euangkerio n aia abamwakoro. Te burokuraem e bitaki imwiina inanon 2009 nakon te Mwane n Reirei Ibukiia Mitinare (MRIM), are e buokiia mitinare ake a bane aia tai n reita aia reirei.

Abanuean te Atua bon te Wanawana ao te Ataibwai, ao ti na karekea aekakin te ataibwai aei ngkana ti a manga kautaki. E uaana karaoan te angakarea ibukin uoua ke teniua te ririki ni maiura, bwa ti aonga ni karekea aara ae matoatoa ni bongin maiura. Te moan ukoukora abanuean te Atua ao tamaroana ao E na raoni bwaai ni kabane nakoim. ■

## Bwaai n Anganano A Buoka Tiamoa Atun te Tautaeka ni Kakoroa Nanon Miina

**A**na Ekaretia Iesu Kristo Ibukiia Aika a Itiaki ni Boong aika Kaitira e anganano nakon te Samoa's Oceania University of Medicine (OUM) bwai n tamnei n taai aika a nako.

Te Beretitenti n te Aono ae Unimwaane James J. Hamula, e anga te bwai aei nakon te Minita ibukin Kuakua, Aonarabo Tuitama Talalelei Tuitama, ao te Mataniwi n te Iuniwetiri, LeMamea Lemalu Limbo Fi.

Te bwai aei e na kona ni kabonganaaki iro-ua taan rabakau n te bwainaoraki n reirei ao ni



**Unimwaane James J. Hamula**

kataneiaia taan reirei ao ataein te reirei i Tiamoa.

Ni marorona n te bootaki ni bukamaru n te angabai, Unimwaane Hamula e manga taekinna bwa Kautuun te Tautaeka n Tiamoa e kawara kau-tuun te Ekaretia i Salt Lake City, Utah. “N tikuna i Utah,” e reitia, “e a bwaka n aoraki.” Temanna taokitan te Ekaretia e kawaria ao ni buokia ni kamarurungna.

“Kautuun te Titeiki e iangoa te kuakua ao te buoka are e anganaki bwa ai aron te anera mai karawa. N okina nako Tiamoa, e kauring te bwai are e na riki bwa te rongorongo ae reitinako n rokona i Utah, ibukiia aomata i Tiamoa.”

E reitia Unimwaane Hamula: “E titiraki ng-kana te Ekaretia e kona ni buoka Tiamoa ni

karikirakeaia bon oin ana taokita bwa e na riki bwa ai aron te anera are e katauraoa te kuakua ao te buoka i Tiamoa, are e a tia ni karekea i Utah.”

Dr. Michael Preece, te membwa n te Ekaretia ae iai rabakauna ni ibuobuoki ni kabuta te aonaaba ni karekei kainnano ibukin te kuakua n aba aika rikirake, e mwiokoaki bwa e na mwananga nako Tiamoa, ibuobuoki n kainnanoan te kuakua nakoia aomata i Tiamoa ao ana reirei ae boou n te kuakua, ao ni katerei bwa e na kanga te ekaretia ni buoka Tiamoa ni katamaroa”.

Dr. Preece ma kainnabana a nako Tiamoa ao a kabanea onoua namwakaina n te OUM ni mwakuri ma ana taan mwakuri ao ataein te reirei. E tabekiarake bwa te Ekaretia e na katauraoa ana tia rabakau iaon kuakua bwa e na tauraoi ni katanieiai nakoia taan mwakuri ao ataein te reirei n te OUM n taainako, ni bwaaai aika uarereke ni wakinako rinanon kabonganaan te witeo ni maungatabu bwa e na kabooaki ao n anganako man te Ekaretia.

Unimwaane Hamula e tuangia taan roko n te bukamaru bwa “ngkai te Ekaretia e anga te OUM ao aomata mai Tiamoa a rangi ni kakaawaki, aron te bwai n tamnei n te maungatabu, bon te bwai ae e rangi ni boongana n te karikirake aei n ana ibuobuoki te Ekaretia ni katauraoan te OUM nakoia taan mwakuri ao ataein te reirei, membwa n te Ekaretia ake a tarena ao taan rabakau ni kabonganaan bwainaoraki ibukin kuakua.”

“Te bwaintangira ae akea tian kakaawakina e karikirakeia taokita ake a na riki bwa anera n nanoanga are Kautuun te Titeiki e miakinnna antai are e na kakabwaiai maiu ni mwaitiia kain Tiamoa ni boong aika a na roko.”

Unimwaane Hamula e taku bwa te bwai ni mwakuri ao kakoaua, te kataneiai ae waaki nako are e na riki bwa te bwaintangira ae reke “ma te tangira ao te karinerine” nakon te Oceania Uniwersiti ibukin Bwainaoraki ao aomata ake kain Tiamoa, mai “irovia tarria ao mwaneia n ana Ekaretia Iesu Kristo ni Boong Aika Kaitira.” ■